

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-460/22
Vareš, 17.02.2022. godine

Na osnovu člana 186. stav 1. Zakona o prostornom uređenju i građenju ("Službene novine Zeničko-dobojskog kantona", broj 1/14 i 4/16), po prijedlogu Službe za prostorno uređenje, Općinski načelnik Općine Vareš, o b j a v l j u j e:

P O N O V N I J A V N I O G L A S
za podnošenje prijave za učešće u radu Stručne komisije za davanje stručne ocjene
u postupku izdavanja urbanističke saglasnosti

I PREDMET JAVNOG OGLASA

POZIVAJU SE zainteresovana stručna lica da podnesu prijave za učešće u radu Komisije za davanje stručne ocjene u postupku izdavanja urbanističke saglasnosti iz sljedećih oblasti:

1. prostornog planiranja i urbanizma
2. arhitektonskog projektiranja
3. građevinarstva
4. saobraćaja
5. geologije
6. prava
7. kulture i dr.

II PRAVO SUDJELOVANJA U PRIJAVI

Na Javni oglas mogu se prijaviti stručna lica koja ispunjavaju sljedeće uslove:

- osobe sa završenim VII stepenom stručne spreme, odnosno završenim drugim stepenom bolonjskog procesa školovanja i stečenih najmanje 240 ECTS bodova, sa najmanje pet (5) godina radnog iskustva u struci i položenim stručnim ispitom, i koje nisu na bilo koji način uključene u upravni postupak tokom rješavanja po zahtjevu investitora, odnosno nisu uposlenici nadležne službe za prostorno uređenje;
- osobe koje imaju stalno prebivalište na teritoriji općine Vareš, ili izuzetno ukoliko općina nema dovoljno kadra odgovarajuće stručnosti i kvalificiranosti, u Komisiju se mogu imenovati i osobe koje imaju mjesto stalnog prebivališta na području druge općine sa područja Federacije Bosne i Hercegovine.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



III NADLEŽNOSTI, PRAVA I OBAVEZE KOMISIJE

Nadležnost komisije za davanje stručne ocjene u postupku izdavanja urbanističke saglasnosti jeste davanje stručne ocjene i argumentirane ocjene o urbanističko-tehničkim i oblikovnim, komunalnim i okolinskim, infrastrukturnim, prometnim, tehničko-tehnološkim i drugim bitnim uvjetima za izgradnju objekta i izvođenje drugih zahvata u prostoru u područjima za koja nisu doneseni planski dokumenti ili je istekao rok valjanosti i primjene planskih dokumenata koji su propisani odredbama člana 186. stav 1. Zakona o prostornom uređenju i građenju ("Službene novine Zeničko-dobojskog kantona", broj 1/14 i 4/16), kao osnov za izdavanje urbanističke saglasnosti.

IV TROŠKOVI RADA KOMISIJE

Troškovi rada Komisije za davanje stručne ocjene u postupku izdavanja urbanističke saglasnosti regulišu se posebnim rješenjem Općinskog načelnika na prijedlog nadležne općinske Službe.

Troškovi rada Komisije obračunavaju se na teret podnosioca zahtjeva za izdavanje urbanističke saglasnosti a prema Pravilniku o načinu formiranja i rada komisije za davanje stručne ocjene u postupku izdavanja urbanističke saglasnosti broj 02-101/22 od 13.01.2022. godine koji je objavljen na službenoj stranici Općine Vareš.

V SADRŽAJ PRIJAVE NA JAVNI OGLAS

Uz prijavu sa ličnim podacima, adresom i brojem telefona potrebno je priložiti i sljedeće dokumente:

- ovjerenu fotokopiju lične karte
- ovjerenu fotokopiju univerzitetske diplome
- ovjerenu fotokopiju Uvjerenje o položenom stručnom ispitu
- kratku biografiju uz obavezu naznake uže oblasti za koju se stručna osoba prijavljuje
- potvrda o radnom iskustvu
- potvrda o prebivalištu

VI NAČIN PODNOŠENJA ZAHTJEVA

Prijave sa potrebnom dokumentacijom iz tačke V podnose se u roku 15 dana od dana objavljivanja Javnog oglasa u dnevnom listu "Oslobođenje", isticanja na oglasnoj tabli Općine Vareš i putem službene internetske stranice Općine Vareš, neposredno na protokol u zgradi Općine Vareš ili putem pošte na adresu:

**OPĆINA VAREŠ
ZVIJEZDA 34
71 330 VAREŠ**

sa naznakom **"Prijava za učešće u radu Komisije za davanje stručne ocjene u postupku izdavanja urbanističke saglasnosti " NE OTVARATI**

Napomena: Stručna lica koja su se prijavila na Javni oglas za podnošenje prijave za učešće u radu Stručne komisije za davanje stručne ocjene u postupku izdavanja urbanističke saglasnosti objavljenom u dnevnom listu "Oslobođenje" od 29.01.2022. godine nisu dužna se ponovo prijavljivati.

VII OCJENA ZAHTJEVA I IZBOR KORISNIKA

Stručna Komisija imenovana od strane Općinskog načelnika izvršit će pregled primljenih prijava te na osnovu njih će sastaviti prijedlog liste kvalificiranih stručnjaka koji ispunjavaju uslove iz tačke II Javnog oglasa.

Odluka o imenovanju Komisije za davanje stručne ocjene u postupku izdavanja urbanističke saglasnosti donosi Općinsko vijeće na prijedlog Općinskog načelnika.

Nepotpune i neblagovremene prijave se neće uzeti u razmatranje.

VIII NAČIN OBJAVLJIVANJA JAVNOG OGLASA

Javni poglas će biti objavljen u dnevnom listu "Oslobođenje", oglasnoj tabli Općine Vareš i putem službene internetske stranice općine Vareš www.vares.info.

OPĆINSKI NAČELNIK

Zdravko Marošević